



partii naleraq

5.november 2018

UKA2018/152

**Naalakkersuisut kingusinnerpaamik UPA2019-imut Kalaallit Nunaanni pisortatigoortumik piitsuussutsimik killiliissummik aalajangersaanissaat pillugu Inatsisartut aalajangiiffigisassaattut siunnersuut.**

(Inatsisartunut ilaasortaqa Sara Olsvig, Inuit Ataqtigiit)

Inatsisartunut ilaasortaqa Sara Olsvig Inuit Ataqtigiit aalajangiiffigisassamik siunnersuuteqarpoq tassalu Kalaallit Nunaanni pisortatigoortumik piitsuussutsimik killiliissummik Naalakkersuisut UPA2019-imut saqqumiusseqqullugit, Tamannalu Partii Naleqqap oqaaseqartuatut saqqummiutissavara.

Nunatsinni innuttaasunut atugassarititaasut assigiinngitsorujussuusut amerlasuutigut takusinnaavarput, tassami ilaqarpugut aningaasatigut isertitamikkut qaffasippallaanngitsumik inissisimasunik, tamannalu innunut amerlasuunik atugarineqartoq innuttaasut atugaasigut takusinnaasarpaput.

Taamaattumik ilaqarpugut pissakitsunik taasinnaasatsinnik, amerlavallaarpullu ajoraluartumik innuttaaqataasut isertitakippallaartut, pissutsillu tamakku allanngussappata taava qanoq iliorluta naligiinnerulernissarpaput angussavarput, tamannalu anguneqassappat taava aningaasarsiornissamut sulinissamut ilinniarnissamullu periarfissat pitsanngorsartuartaqarput. Aatsaammi taamaaliornikkut naligiinngissutsip ersiutai qaangerniarsinnaagatsigu,

Kisiannili aamma ilaqarpugut isertitamikkut qaffasissorujussuarnik inissisimasunik tamannalumi aamma ajunngilluinnarpoq, aningaasarsiornermi aamma kivitseqataaneq soorunami namminneq sulinermik tunngavilik inuulluarnernissamut tunngaviussappat tamanna pissusissamisoorpoq tupinnaranilu.

Siunissami atukkagut naligiinnerulissappata taava atukkatta assigiinnerulernissaat sapinngisamik aqutissiuinnarlugu sulisariaqarpugut, tassami takusinnaasagut malillugit ilaqarpugut ilaatigut isertitakitsuararsuarnik pingaartumillu taamatut inissisimasut meerartallit assut inuuniarnikkut eqqornerlunneqartarput inuuniarnermikkut atugarisaannut illersoruminaatsumik.

Pitsuulluni inuunerup kingunerisarpaa ilaatigut ilinniarnissamut periarfissat atorpeqanngitsoortarneri, peqqinnartumik inuunissamut periarfissalunnerusarnerit, Inuunerissaarnissamut ulluinnarnilu sutigut atukkatsigut katataajartuinnarnerit meerartaqarpalu meeqqanut sunniulluartaartut takusarpagut ilaatigut atuarfinni timerosqatigiiffini sunngiffimmi sammisaqartitsinerni akuuallaartannginnerat malunnartarmat.

Ullutsinni ilaqutariippasuit ulluiinarni inuuniarnikkut assut ilungersunartorsiortorujussuusartut takusarpagut, ineqarnermi akiliutit qaffasippallaarujussuarput aningaasarsiat amerlanerpaat illumut attartornermut nakkartarput, qaavaticullu kiassarnermut innaallagissamut eqqaavinnullu akiliisoqaraangat taava inuuniarnermi atugassat annikitsuararsuannngortarput allaat ilaasa ullormut aningaasarsiffmimi siporussaqaarpallaaratik pisarlutik.

Taamaattumik tupinnanngitsumik ilaqarpugut aningaasatigut pitsuusunik, tamakkualu inuuniarnikkut atugaat pitsaanerulissappata taava pisortani aaqqissusseqqinnerit saneqquneqarsinnaanngillat inuuniarnermilu atukkanik pitsaanerulersitsinnissaq suliarisariaqarluni.

Tassanilu tamatta pisussaafeqarnissarput akisussaqaataaffigisariaqarparput, tassami ilagut ajoraluartumik ilaatigut illersorneqarsinnaanngitsumik aningaasatigut inuuniutissaqartippagut, tamatumalu kingunerisarpaa inuttut ajornartorsiuterpassuit pinngortarlutik, inigisamiit anisitaanerit ilaqutariit meerartallit, inersimasut angerlarsimaffeqanngitsut soorunami tupinnanngitsumik inuttut ajornartorsiutigut annertupput pitsuulluni inuuneq ilungersunarluinnarmat.

Meeqqat tapisiaat aamma eqarsaatigalugit nutaamik aaqqiinissaq aamma eqqarsaatigeqqittariaqarpoq ilaatigut inunnut pissakinnerusunut ullumikkornit annerusumik tunniussaqaarsinnaaneq ullumikkummi inuussutissanut akit taamatullu atisassarsitissatut naammakkunnaarsimasut takusinnaavarput.

Ineqarnermut tapiit aamma inunnut isertitakinnerpaanut aaqqissuuteqqittariaqarput, ilaatigullu ineqarnermut akit aamma minneqarsinnaanngillat tassami isertitakitsut aningaasarsiaat amerlanerpaat ineqarnermut nakkartarmata.

Ilaqutariit meerartallit atugaat taamatullu aamma ataatat anaanallu kisimiittut qanoq isumannaanerusumik aaqqissuusiffigineqarnissaat inuuniarnikkut nalilersoqqittariaqarpoq nutaamik suut killissat atussavagut piitsuusseq killilerneqassappat.

Meeqquerivinnut akit ilaatigut aamma akisuallaartutut inisseqqasarput arlariinnik meerartalinnut soorunami ilungersunartumik atugassaqaarfiusarlutik tamakkua tamarmik nalilersuinermi aamma ilaatinneqartariaqarput.

Suliffissaarunnermi ikorsiissutit kisimiittunut aappariinnullu pingaartumik aamma meerartallit ilanngullugit aningaasat tunniunneqartartut suna tunngavigalugu annertussusilerneqartarnerat ilanngullugu eqqarsaatigineqassasoq kaammattuutigaarput.

Naligiinnerusumik inuuneqarnissaq angniagassaavoq pingaaruteqartorujussuaq tamannalu anguneqassappat taava inuiaqatigiinni periarfissat assigissaarneqartariaqarput. Ilinniartitaanermi aqqutissat suli ullumikkornit pitsaanerusumik sinaakkusersornissaat angusariaqarparput.

Kinaluunniimmi ilinniagaqarniarpoq aporfissaqarpat tamakkua peerneqarnissaat suliassaasoq malunnartorujussuavoq. Pikkorissaanerit suli aamma annertusartuartaqarput inuit amerlanerpaat ilinniarnissamut appaakatsinneqassappata ilinniarsiifullu qaammarsaanermi peqataalluarnissaannik kammattorusuppagut.

Inuiaqatiggit naligiinnerusut pilersinneqarnissaat ilinniartitaanerullu qaffasarnissaa tamatullu aamma pitsuussutit augaanerat minnerpaaffissaanut pisinneqarnissaa ilungersullugu

suleqataanissarput anguniakkamillu pimoorussinermut peqataarusuppugut inoqatigut ikiortariaqartut peqqinnarnerusumik inuuniarnikkut atugaqarnissaat qulakkeerniartariaqarmat.

Taamatut oqaaseqarluta siunnersuuteqartup Sara Olsvig Inuit Ataqatigiit, saqqummiussaa taperserparput ataatsimiititaliamilu suliarineqarnissaa innersuussutigalugu.

Hans Enoksen